

Forskrift om opplæringspråk ved skulane i Fitjar kommune

§ 1. Lovheimel

Forskrift om opplæringspråk ved skulane i Fitjar kommune er heimla i LOV-2023-06-09-30; Lov om grunnskoleopplæringa og den vidaregåande opplæringa (opplæringslova) § 15-2.

§ 2. Føremål

Denne forskrifta regulerer kva som skal vera det skriftlege hovudmålet ved kvar skule i Fitjar kommune. Som det går fram av opplæringslova § 15-2, skal skulane nytta hovudmålet i den skriftlege opplæringa og den skriftlege kommunikasjonen med elevane og foreldra.

Denne forskrifta regulerer ikkje den munnlege opplæringa, jamfør opplæringslova § 15-1. I den munnlege opplæringa avgjer elevane og lærarane sjølve kva for talemål dei vil bruka.

§ 3. Skriftleg opplæringspråk ved Selevik skule

Skriftleg opplæringspråk ved Selevik skule skal vera nynorsk.

§ 4. Skriftleg opplæringspråk ved Øvrebygda skule

Skriftleg opplæringspråk ved Øvrebygda skule skal vera nynorsk.

§ 5. Skriftleg opplæringspråk ved Rimbareid skule

Skriftleg opplæringspråk ved Rimbareid skule skal vera nynorsk.

§ 6. Skriftleg opplæringspråk ved Fitjar vaksenopplæring

Skriftleg opplæringspråk ved Fitjar vaksenopplæring skal vera nynorsk. Kommunen si plikt til å gje opplæring i norsk og samfunnsfag etter LOV-2020-11-06-127; Lov om integrering gjennom opplæring, utdanning og arbeid (integreringsloven) går fram av §§ 30 og 31 i lova.

§ 7. Iverksetjing

Forskrift om opplæringspråk ved skulane i Fitjar gjeld frå 01.08.2024.